

四庫全書

史部

欽定四庫全書

欽定續通志卷一百三十一

職官畧

唐五代宋官制下

御史臺

御史大夫

唐置一人為御史長官五代亦置御史大夫宋初不除正員止為加官元豐更制罷不置

御史中丞

唐置三人為御史大夫之貳元和後不置五代仍置御史中丞宋置中丞一人為臺長掌

糾察官邪肅正綱紀

侍御史

唐制侍御史六人至德以後定議侍御史彈奏先白中丞大夫復通狀中書門下然後得奏五

代時以郎中員外郎兼侍御史

宋置侍御史一人掌貳臺政

殿中侍御史

唐置九人五代亦置是官宋置二人掌言事以儀法糾百官之失凡大朝會及朔望

六參則東西對立彈糾失儀御史所屬有主簿一人檢法一人即今殿中侍御史奏辟寧宗嘉定後主簿檢法

多不置

監察御史

唐置十五人大曆十四年以監察御史分察尚書省六司謂之六察五代亦置是官宋置

六人分掌六曹及百司之事糾其謬誤大事則奏劾小事則舉正其官卑而入殿中監察侍御者謂之裏行寧

宗慶元以後

常置三人

臣等謹按宋承唐制御史臺與諫議諸職並稱臺諫唐以諫官主諫諍御史主彈劾分司其事故稱拾遺補闕為侍臣而稱御史中丞為法吏宋則御史兼糾劾論諫之事是其委任之殊也元豐三年詔監察御史以三人分領察案三人專言事八年復命殿中御史兼察曹司監察御史兼言得失由是殿中侍御史與六察官同一責守矣

秘書省

秘書監少監

唐制監一人少監二人丞一人掌古今經籍圖書

國史實錄天文術數之事初為寄祿官郎官至秘書監有以他官兼領有特令供職有以秘閣官兼判者凡經籍圖書悉歸秘閣而秘書所掌惟祭祀祝版而已元豐更制悉以三館職事歸秘書監南渡後遇修國史則開國史院遇修實錄則開實錄院其會要所則以省官統任其事又有太史局鐘鼓院算學並屬焉

著作郎著作佐郎

唐制著作局郎二人佐郎二人掌修纂日曆

秘書郎

唐制三人掌集賢院史館昭文館秘閣圖籍以甲乙丙丁為部各分其類

校書郎正字

唐制秘書省校書二人正字二人又置弘文館校書郎二人集賢殿校書四人正字

二人宋惟秘書省置校書郎四人  
正字二人掌校讐典籍刊正訛謬

臣等謹按宋以三館秘閣四處藏書初置三館長慶門北謂之西館太平興國初於昇龍門東北創立三館書院三年賜名崇文院遷西館書貯焉東廊為集賢書庫西廊分四部為史館書庫崇寧初修繕秘書省告成以秘閣總其中而昭文書庫列于東廊集賢書庫列于南端史館書庫列于西序猶存唐代分貯秘書之制焉紹興中重建秘書省右文殿居中列四庫于殿前秘閣居後石渠次之

道山堂又次之著作庭居後然收藏圖書終不克復崇寧之舊蓋偏安一隅事多簡畧即藏書亦未能完備也

殿中省

殿中監少監

唐制監一人少監二人丞二人宋制監少監各一人丞二人掌供奉玉食醫藥服御

幄帝與輦舍次之政令又置提舉六尚局及管幹官一人又有御藥院勾當官無常員尚衣庫使副使二人內衣物庫監官二人新衣庫監官二人朝服法物庫監官二人

臣等謹按唐殿中省總領六局尚食尚藥尚醞尚

衣尚舍尚輦皆置奉御宋初六局之官隨局而移  
不領于省監

臣等又按唐六典以秘書省殿中省及內侍省分  
載尚書門下中書三省之後稱為六省鄭志以門  
下中書列尚書之前復改秘書殿中二省為監與  
內侍省並列諸卿蓋本唐典而稍易其前後焉今  
從宋職官志以秘書殿中二省列九寺之前至內  
侍惟供掃除初無職守前代輕假事權漸竊威柄



設官亦日見冗繁而諸史之述職官者遂以官者與諸卿並載仍累朝之弊政而未能釐正舛陋孰甚焉臣等前進續職官典遵

旨于歷代官品刪去內侍凡在閤寺諸使給役掖庭不得與朝士齒肅官方而昭鑒戒誠萬世所當遵守今秩品內謹依續通典之例不入內侍階品而省院則仍撮其大略移載軍衛之後以備考核其遼金元明各代亦隨其官制依類附見焉

## 太常寺

太常卿少卿

唐置卿一人少卿二人丞二人後唐置卿一人宋初置判太常寺及同判寺以兩制

以上充別置太常禮院有判院同知院四人太常寺與禮院事不相兼康定元年判寺兼禮院事元豐更制置卿一人少卿一人掌禮樂如廟社稷壇壝陵寢之事丞一人博士四人主簿協律郎奉禮郎太祝各一人其屬有郊社令太廟令籍田令宮闈令太醫局大晟府

## 宗正寺

宗正卿少卿

唐置卿一人少卿二人丞二人後唐置卿一人宋制卿一人少卿一人掌叙宗派屬

籍丞一人主簿一人初置判寺事以宗姓充元豐更制詔宗正長貳不專用國姓以大宗正司統皇族南渡後

卿不常置以太常兼少卿  
紹興三年復置少卿一人

大宗正司

宋景祐三年始置司有知事及同知事元豐  
更制仍置知事及同知事各一人丞二人熙

寧三年以異姓  
朝官知丞事

光祿寺

光祿卿少卿

唐置卿一人少卿二人丞二人後唐置卿  
一人宋初置判寺事以朝官以上充元豐

更制置卿一人少卿一人掌祭祀朝會宴饗酒醴膳羞  
之事丞一人主簿一人其屬有大官令法酒庫內酒坊  
大物料庫牛羊司牛羊供應所乳酪院  
外物料庫南渡後廢光祿寺併入禮部

衛尉寺

衛尉卿少卿

唐置卿一人少卿二人丞二人後唐置卿一人宋初置判寺事以郎官以上充元豐

更制置卿一人少卿一人掌儀衛中冓兵械之政令丞一人主簿一人其屬有內弓箭庫南外庫軍器弓槍庫軍器弩劍庫儀鸞司宣德樓什物庫左右金吾街司左右金吾仗司六軍儀仗司南渡後寺廢併入工部

### 太僕寺

太僕卿少卿

唐制卿一人少卿二人丞四人後唐置卿一人宋初置判寺事掌車輅而以其職分

隸

羣牧司驥驎院元豐更制置卿一人少卿一人掌廄收車輅之令丞一人主簿一人所隸官司有車輅院左

右驥驎院鞍轡庫養象所車營致遠務南渡後廢寺併入兵部

羣牧司

宋景德四年始置掌內外廐牧之事有制置使副使都監判官皆以官兼攝又置鞍轡使副監

官元豐後併入太僕寺

### 大理寺

大理卿少卿

唐置卿一人少卿二人丞四人後唐置卿一人宋初置判寺元豐更制置卿一人少

卿二人掌折獄詳刑鞠讞之事正二人推丞四人斷丞六人司直六人評事十二人主簿二人職務分左右凡奏劾官校及辟四疑讞者隸左斷刑則司直評事詳斷丞議之正審之若在京百司當推治或特旨委勘及責償官逋皆隸右治獄則丞專推鞠以少卿分領其事而卿總其成

### 鴻臚寺

鴻臚卿少卿

唐制卿一人少卿二人丞一人後唐置卿一人宋初置判寺事元豐更制置卿一人

少卿一人掌四裔朝貢宴勞給賜送迎之事丞一人主簿一人其屬有往來國信所都亭西驛及管幹所禮賓院懷遠驛中太乙宮建隆觀等提點所在京寺務司提點所傳法院左右街僧錄司同文館及管勾所南渡後寺廢併入禮部

### 司農寺

司農卿少卿

唐制卿一人少卿二人丞六人後唐置卿一人宋初置判寺事二人元豐更制卿一

人少卿一人掌倉儲委積之政令丞主簿各一人所隸有倉二十五草場十二園苑四下卽司都麴院水磨務柴炭庫炭場南渡後罷寺併隸倉部後復置

### 太府寺

太府卿少卿

唐置卿一人少卿二人丞四人後唐置卿一人五代亦置太府卿宋初置判寺事元

豐更制置卿

一人少卿一人掌邦國財貨之政令丞主

簿各一人

所隸有左藏東西庫西京南京北京左藏庫

內藏庫奉宸庫

祇候庫元豐庫布庫茶庫雜物庫糧料

院審計司都商稅務

汴河上下鎖蔡河上下鎖都提舉

市易司市易上界

市易下界雜貨務雜買場權貨務交

引庫抵當所和濟局

惠民局店宅務石炭場香茶庫南

渡後寺罷併隸

金部後復置

臣等謹按九寺卿與尚書分設唐宋皆仍隋制考

寺監之名多昉于漢然漢百官志無所謂六部尚

書也故諸卿並建各有專司隋以後六部之任既

專二十四司之曹復備則以前代九卿之職歸諸六部矣而復增立諸寺謂之九卿多設官屬是徒知沿襲其名而不知職任冗煩轉使事權不一而官失其守也元豐更制惟銳意復唐六典尚書諸卿必叅用周六官漢九寺故事豈非好言法古不復權量于時宜哉然諸卿之中如宗正以統族大理以恤刑太常光祿以理祭祀宴饗鴻臚以通朝譯太僕以均馬政皆有分職惟衛尉司農太府宜



分隸諸曹馬紹興中多所裁併而司農太府旋廢  
旋置尚未為因革之善也

### 國子監

祭酒司業

唐制祭酒一人司業二人丞一人後唐置祭酒一人司業一人宋初置判監事二人以兩

制或帶職朝官充元豐更制置祭酒一人司業一人掌國子太學武學律學小學之政令復置丞主簿各一人崇寧元年建外學于國之南設司業丞各一人三年詔辟雍置司成司業各二人四年改辟雍司成為太學司成總國子監及內外學士宣和三年罷三舍法悉依元豐舊制南渡後以國子監併禮部後復置

博士

唐制國子學太學廣文館四門館律學書學算學俱置博士宋初置直講八人以京官選人充元豐

三年改國子監直講為太學博士十人掌分經講授考校程文以德行道藝訓導又置律學博士二人掌傳授

法律武學博士學諭各二人掌訓授武

藝小學置職事教諭二人集正一人

學正學錄

唐置正錄一人宋制學正學錄各五人掌舉行學規考校訓導如博士之職又置職事正

錄五人學諭二十人直學四人

臣等謹按唐國子監領國子太學廣文四門律書

算六學宋熙寧中分為三學置大學律學武學博

士而考其成于祭酒司業然唐六學之外復置五

經博士宋三學之外復設小學教諭亦因時而廣

其制也宋又置書庫官掌印經史羣書備朝廷宣索賜予之用其宗學博士則屬之宗正寺

少府監

少府監少監

唐制監一人少監二人丞六人宋初置判監事以朝官充元豐更制監少監各一人

掌百工伎巧之政令丞主簿各一人所隸文思院綾錦院染院裁造院文繡院舊置南郊祭器庫監官二人太廟祭器法物庫監官二人旌節官二人鑄印篆文官二人諸州鑄錢監監官各一人並屬焉

將作監

將作監少監

唐置監一人少監二人丞四人宋初置判監事一人以朝官以上充元豐更制置監

少監各一人掌宮室城郭梅梁舟車營繕之事丞主簿各一人所隸修內司東西八作司竹木務事柴場麥麴場霍務丹粉所作坊物料庫第三界退材場簾箔場南渡後以將作監併歸工部後復置

### 軍器監

軍器監少監

唐制監一人丞二人宋初戎器之職領于三司胄案熙寧六年廢胄案乃案唐今置

監以從官總判元豐定制始置監少監各一人掌監督繕治兵器什物以給國用丞二人主簿一人所隸有東西作坊皮角場作坊物料庫南渡後置御前軍器所以軍器監併歸工部後復置

### 都水監

都水使者

唐置使者二人丞二人宋初隸三司河渠案仁宗嘉祐三年始置監一人置局于澶州曰

外監元豐中置使者一人掌內外川澤河渠津梁提堰之事丞二人主簿一人元祐中復置外都水使者所隸有街道司紹興十年以監歸于工部不復置

臣等謹按唐六典以國子少府將作軍器都水為五監宋元豐始復唐制後復議刪併蓋六曹二十四司之任既專則自國子監外四監官皆為贅設也至建炎初議廢國子監而獨不及少府監殆未審乎損益之宜矣

司天監

司天監少監

唐置司天臺監一人少監一人丞一人宋初承唐制監少監各一人掌察天文祥異

寫造歷書丞主簿各一人春官正夏官正秋官正冬官正靈臺郎保章正挈壺正各一人元豐更制罷司天監

立太史局  
隸秘書省

臣等謹按唐武德中以太史局隸秘書省後屢有  
改置元宗天寶元年改太史局為監始不隸秘書  
省宋元豐中以太史局屬秘書監仍行唐代之制  
也

殿前司

都指揮使副都指揮使

周顯德元年始置殿前都指揮使其散員則又有鐵騎控鶴諸

使又置殿前都點檢在都指揮使上宋置都指揮使副都指揮使各一人都虞候一人掌殿前諸班直及步騎

諸指揮之名籍而總其政令所隸諸使騎軍則有殿前指揮使內殿直散員散指揮散都頭散祗候金鎗班東

西班散直鈎容直及捧日以下諸軍指揮步軍則有御龍直骨朵子直弓箭直弩直及天武以下諸軍指揮其

諸班則有都虞候指揮使都軍使都知副都知押班其御龍諸直則有四直都虞候本直各有都虞候指揮使

副指揮使都頭副都頭十將將虞候南渡後都指揮使不除則以主管殿前司一人任其事所屬有幹辦公事

主管禁衛二員準備差遣準備差使點檢醫藥飯食各一員書寫機宜文字一員其下有統制統領將佐等分

事領其

捧日天武四廂都指揮使

五代有日騎都指揮使宋太平興國二年

改控鶴為天武雍熙四年改日騎為捧日各置都指揮使一人捧日天武又各分左右廂並置都指揮使每軍又分置都指揮使都虞候每指揮有指揮使副指揮使每都有軍使副兵馬使十將將虞候並隸于殿前司

### 侍衛親軍馬軍

都指揮使副都指揮使

後唐天成中始設侍衛親軍馬步軍都指揮使宋初以侍衛親

軍為親近之職在殿前司之上咸平中始分馬步為二軍居殿前司下馬軍置都指揮使副都指揮使各一人

都虞候一人掌馬軍諸指

揮之名籍而總其政令

龍衛四廂都指揮使

五代置龍捷都指揮使宋太平興國二年改龍捷為神衛置都指揮



使一人其左右廂軍都所設官與捧日天武四廂同統隸于侍衛馬軍都指揮使

### 侍衛親軍步軍

都指揮使副都指揮使

後唐明宗長興中置步軍都指揮使宋咸平中置步軍都指揮

使副都指揮使各一人都虞候一人掌步軍都指揮之名籍而總其政令

神衛四廂都指揮使

五代置虎捷都指揮使宋太平興國二年改為神衛置都指揮使一

人其左右廂軍都所設官與捧日天武四廂同統隸于侍衛步軍都指揮使

臣等謹按親軍指揮使之名自梁起宣武軍乃以

鎮兵因其舊號置在京馬步軍都指揮使後唐遂

改為侍衛親軍至周則尤重殿前諸班焉宋以殿前司馬軍司步軍司為三衛而分捧日天武龍衛虎衛為四廂又謂之上四軍各有左右廂廂各三軍而分屬于三衛是其互相統轄之制也

### 環衛官

左右金吾衛

唐制上將軍各一人大將軍各一人將軍各二人五代亦置左右金吾衛宋為環衛

官無定員以宗室為之亦為武臣贈官大將軍以下中郎將郎將為武臣責授散官紹興中置上將軍尋罷後以節度使領上將軍

左右衛

唐置上將軍大將軍各一人將軍各二人五代亦置左右衛宋設官如唐制不專授後以承宣

使領上將軍

左右驍衛

唐置上將軍大將軍各一人將軍各二人五代亦置驍衛宋設官如唐制不除授

左右武衛

唐置上將軍大將軍各一人將軍各一人宋設官不除

左右屯衛

唐置左右威衛上將軍大將軍各一人將軍各二人宋改為左右屯衛設官不除授

左右官軍衛

唐置左右領軍衛上將軍大將軍各一人將軍各二人宋為官軍衛設官如唐制不

專授無

定員

左右監門衛

唐置上將軍大將軍各一人將軍各二人宋設官如唐制不專授無定員

左右千牛衛

唐置上將軍大將軍各一人將軍各二人五代亦置千牛衛宋置官如唐制與金吾

衛以下並為環衛官

臣等謹案唐制禁軍分南北衛以十六衛為南衛

而以羽林龍武神武諸軍為北衛兵政之興廢皆

以十六衛為輕重宋世禁軍分隸殿前及侍衛兩

司遂以十六衛為散官唯爵秩之名尚仍唐典爾

皇城司

唐置城門即四人屬門下省五代亦置皇城使梁太祖開平元年改城門即為門局即宋置幹

當官七人掌宮城出入之政令三衛官三衛郎一人中郎文武各一人博士一人主簿親衛衛府勳衛衛府翊衛府

各有郎十人中郎十人南渡初為行營禁衛府後改稱皇城司所隸有永井務

客省引進使

五代置客省使引進使宋置客省使副使各一人掌國信使見辭宴賜及四方進奉

及朝覲貢獻之儀引進司使副使各一人掌臣僚番國進奉禮物之事

四方館使

宋置使二人掌進章奏建炎初客省四方館併歸東上閣門

東西上閣門使

唐設典儀二人領贊唱之節屬門下省宋置東上閣門使西上閣門使各三人

掌朝會宴幸供奉贊相禮儀之事宣贊舍人十人祗候十二人舊制東西上閣門多以處外戚勲貴建炎初併

省為

一

帶御器械

宋初選三班以上武幹親信者佩橐鞬御劍或以內臣為之亦名御帶咸平元年改為帶

御器  
械

臣等謹按宋元豐更官制務使省寺軍衛大小相維然如皇城司客省四方館閣門御帶諸職仍無所隸屬南渡後諸將在外多兼帶御器械蓋假禁近之名為軍旅之重也

入內內侍省

唐內侍省置監二人宋初有內中高品班院淳化五年改入內內班院又改內侍省

入內內侍班院景德三年立入內內侍省有都知都知副都知押班內東頭供奉官內西頭供奉官內侍殿頭內侍高品內班高班內侍黃門

內侍省

唐置內侍省少監二人內侍四人宋初有內班院淳化五年改為黃門旋改為內侍省有左班

都知副都知右班都知副都知押班內東頭供奉官內西頭供奉官內侍殿頭內侍高品內侍高班內侍黃門

其屬有勾當官諸員

臣等謹按唐中葉以後內侍多兼領他職宋以入

內內侍省為前省內侍省為後省而前省尤為親

近政和中更定內侍官階其內容省使延福宮使

宣政使宣慶使昭宣使等稱皆易以大夫美名其

所屬有閤院諸司勾當官皆一時弊政茲不詳載

府尹

唐有都牧有府尹有少尹五代皆置開封尹宋制

掌尹正畿甸之事其屬有判官推官四人司錄叅軍一

人功曹倉曹戶曹兵曹法曹士曹叅軍各一人左右軍

巡使判官各二人左右廂公事幹當官四人應天府亦

置知府事通判判官推官各一人其次府牧尹以下並

同開封多不除授南渡後置臨安府知府一人通判二

人其屬有簽書公事推官判官叅軍九人分使臣十員

立五酒務監六都監而提轄乾道七年廢

通判簽判等官置少尹判官推官後復舊

節度使

唐制節度使掌總軍旅黷誅殺其屬有節度副

使判官至德以後增置二十餘道其有功者多

加同中書門下平章事五代仍唐制宋初無定員職事

悉歸本州恩數與執政同其加中書令或侍中及中書

門下平章者謂之使相元豐更制改為開府儀同三司

南渡後諸州升改節鎮勲臣多兼兩鎮或兼三鎮節度使



承宣使

唐至德以後落鎮置留後以所親信充後務五代仍唐制有留後兵馬留後副留後宋初節度

觀察留後無定員政

和七年改為承宣使

觀察使

唐置觀察使掌察所部善惡舉大綱宋沿唐制諸州觀察使無定員其選領者資品止叙本官

防禦使團練使刺史

唐制防禦使一人團練使一人州刺史各一人五代仍唐制宋防禦

使團練使諸州

刺史無定員

大都督府

唐大府皆置都督長史司馬宋設大都督長史司馬錄事參軍司戶司法司士司理文學

參軍助教闕則置知府事一人通判一人凡

都督州並置官屬南渡後多以宰相充都督

大都護府

唐置大都護一人副大都護二人長史一人司馬一人五代仍唐制共分為四大都護宋

不置

臣等謹按節度使觀察使皆唐時方鎮之任宋則節度使為優禮之官觀察使多用遙領蓋矯藩鎮之弊而奪其權也然不與以權而猶存其職與防禦團練諸使並授當由名號相沿未能遽革爾至大都督府舊與長史掌司牧尹南渡後以宰相兼領次有同都督兼視軍馬多以執政為之名稱雖同實以總理軍政督護諸將而未嘗開府釐務在

一代中前後已殊制矣

制置使

唐宣宗大中五年始設制置使五代有安撫制置使宋制置使掌經畫邊鄙軍旅之事不常置南

渡後多以安撫大使兼之其地重秩高者加制置大使位宣撫副使上或置副使以貳之開禧中江淮四川並置大使後惟四川守臣帶安撫制置使又有沿海制置使以明州守臣領之

宣諭使

宋紹興元年始置宣諭使掌宣諭德意不預他事即罷任後以宣諭使招撫盜賊按察官吏

節制軍馬其權任遂亞于宣撫開禧後多以從官行使

宣撫使副使

宋制宣撫使掌宣布威靈撫綏邊境及統護將帥督視軍旅之事以二府大臣充副

使掌貳使事徽宗宣和末始置又置判官南渡後亦稱處置宣撫使或以正使兼副使

總領

宋置四人掌措置移運應辦諸軍錢糧以朝臣充初建炎中置四川總領結興十一年改置淮東湖

廣淮西三總領序位在轉運副使上十五年復置四川總領其官屬有幹辦公事準備差使淮東西有分差糧料院審計司權貨務都茶場御前封樁甲仗庫大軍倉大軍庫贍軍酒庫市易抵當庫惠民藥局湖廣有給納場分差糧料院審計院御前封樁甲仗庫大軍倉庫贍軍酒庫四川有分差糧料院審計院大軍倉庫撥遣船運官贖藥庫糴買場

臣等謹按宋南渡後以制置使宣撫使為行軍要

職及增置總領則軍屯之財賦皆有專責然朝臣

領職者仍帶報發御前軍馬文字則又使之與聞

軍政不獨專理餽餉也

留守副留守

唐置三都留守五代置留守及副留守宋制天子親征則命親王或大臣總留守事

其西南北京留守各一人南渡初東京北京並置留守又以掌兵官為副留守

經畧安撫司

唐置安撫使經畧使德宗貞元中又置安撫副使宋初不常置咸平二年始置安撫

使五年置經畧使皇祐四年置經畧安撫使宣和三年諸路經畧安撫使以直秘閣以上充掌一路兵民之事南渡初以文臣充後以知州帶管內安撫使尋廢又置安撫大使自二品以上為帥即為安撫大使

走馬承受

宋制隸經畧安撫總管司諸路各一人政和六年改為廉訪使者靖康初復舊

發運使

唐置水陸發運使宋置發運使掌經度山澤財貨之源漕淮浙江湖六路儲廩以輸中都又置

副使及判官紹興九年改為經制使乾道六年復置都大轉運使後不復置

轉運使

唐置轉運使及副使後諸道分置廵院五代罷廵院復置轉運使宋初設勾當水陸計度轉運

使太平興國初置轉運使掌經度一路財賦兩省以上則為都轉運使又置副使及諸路判官仁宗慶厯中並兼按察使尋廢又設隨軍轉運使與都轉運皆不常置其屬有主管文字幹辦官

招討使

唐置招討使五代有行營北面招討使南面招討使又置都招討使宋制掌收收招討殺盜賊

之事不常置建炎中許便宜行事其屬官並聽奏辟

撫諭使

宋制掌存問探民之利病條奏而罷行之不常置

臣等謹按五代時招討使或加中書令非親任之

臣與藩鎮之有功者不輕授焉宋南渡後招討多  
遙領其地又權宜置官招徠河北則設招撫使安  
輯羣盜則設鎮撫使旋即罷廢蓋偏安一隅僅為  
補苴之術而已

提點刑獄公事

宋制掌所部訟獄而平其曲直景德四年始置以朝臣充後參用武臣為副使

熙寧二年罷用武臣建炎元年復置武提點刑獄四年罷之其屬有檢法官幹辦官又有提點開封府諸縣鎮公事掌察畿內縣鎮刑獄盜賊場務河渠之事

提舉常平茶鹽司

宋熙寧中始置提舉常平司及提舉茶鹽司又有都大提舉茶馬司建炎

初以常平職事併歸提刑尋復置紹興十五年改充提舉常平茶鹽公事並行兩司之事依舊法為監司與轉

運判官

叙官

提舉坑冶司

唐置諸道鑄錢使宋初以轉運使兼提點坑冶景祐二年始置提點元豐二年復分

置兩司政和七年又置提點兩員于饒州虔州紹興中併歸虔州又稱都大提點乾道六年復置二人淳熙中併為一司

提舉市舶司

唐廣德元年置廣州市舶使宋初以知州事兼市舶使元豐中始令轉運使兼提舉

市舶使後又專置提舉司建炎中罷閩浙市舶司歸轉運使唯廣南如故後復並置

提舉學事司

宋崇寧二年置掌一路州縣學政歲巡所部以察師儒之優劣諸生之勤惰而專舉



刺之事宣和  
三年罷不置

臣等謹按唐以觀察使為監司宋初唯置轉運使  
後乃設提點刑獄至熙寧後增置監司有提舉河  
北糴使司提舉制置解鹽司經制邊防財用司提  
舉兵馬提轄兵甲提舉保甲司提舉弓箭手提舉  
三白渠公事檢發司輦運司旋置旋廢事權不一  
故司馬光謂增立提舉為病民之本源蘇軾亦論  
其事少員多人輕權重適以滋冗官之弊也南渡

後轉運提刑屢有增損又合常平茶鹽為一司唯  
坑冶市舶仍置提舉猶用元豐之制焉

府州軍監

唐設州刺史後改為郡太守五代仍稱刺史宋初懲藩鎮之弊分命朝臣出守列郡號權

知軍州事其後以文武官參為知州軍事二品以上及帶二府職事者稱判諸府置知府事一人州軍監亦如之掌總理郡政通判大郡置二人餘置一人州不及萬戶者不置武臣知州及小郡亦特置焉幕職官有簽書判官廳公事而使防團軍事推判官節度掌書記觀察又使諸曹官有錄事戶曹司法司理諸叅軍慶歷四年詔諸路州軍監並立學增置教授

縣令

唐制縣置令一人五代仍唐制宋制縣置令一人若京朝幕官則稱知縣事有戎兵則兼兵馬都監

或監押建炎初多用武臣後復改用文臣其屬有丞主簿尉

廟令唐置五嶽四瀆令各一人宋制五嶽四瀆東海南海諸廟各置令丞主簿

總管鈐轄司宋置掌軍旅屯戍營房守禦之政令崇寧四年京畿四輔置副總管鈐轄一人知州

為總鈐轄

路分都監宋置掌本路禁旅屯戍邊防訓練之政

諸軍都統制宋建炎初置御營司立都統制紹興十一年設御前諸軍都統制其後諸軍皆除都

統制權任在帥臣右官卑者稱副都統制又有統制同統制副統制統領其下有正將準備將訓練官部將隊

將等名皆偏裨之任

巡檢司

宋制有沿邊溪峒都巡檢番漢都巡檢或數州數縣管界或一州一縣巡邏又有刀魚船戰棹

巡檢江河淮海置捉賊巡檢及巡馬遞鋪巡河巡捉私茶鹽諸職各視其名以修舉職業

臣等謹按都統制初為御營軍帥其後分駐諸州

即以屯駐州名冠軍額之上則為方州治軍之職

故宋職官志次于州縣之後都巡檢以治邊徼軍


政宋初擇親臣為之邊圉扞禦多以都巡檢奏績

南渡後分置巡檢以控要害而總于都巡檢其制

亦稍殊云

監當官

宋制掌茶鹽酒稅場務征輸及冶鑄之事諸  
軍州隨事置官建炎四年詔州以五人為額



欽定續通志卷一百三十一

欽定四庫全書

史部

欽定續通志卷一百三十五

二至

通政使司副使臣施朝幹覆勘

總校官原任侍講臣王燕緒

欽定四庫全書

欽定續通志卷一百三十二

職官畧

遼官制

遼太祖受位約尼用其舊俗職守名稱與古迥異迨太宗兼有燕代始增置官班漸仿唐制自茲而降日以浸繁遼俗東嚮而尚左故御帳東嚮謂之橫帳其官則分北而南面北面治契丹宮帳部族屬國之政南面治漢

人州縣軍馬租賦之事葉隆禮契丹國志謂北面在牙帳之北以主番事南面在牙帳之南以主漢事是也然北面官又自有北南二院自宰相樞密宣徽林牙下至郎君護衛皆分北南其實所治皆北面之事以其牙帳居大內帳殿之北則謂之北院居南則謂之南院耳今觀其制北南樞密以下畧視六部而以北南宰相總之北府治兵南府治民各有專司不相侵越此其制之得也若夫百官擇人必先宗姓屬國既滅猶存部族迹其



用意厚矣而又懼皇族之專也任五帳以貳之尊約尼  
之後也列二院以制之仁厚之中智畧寓焉以至宮帳  
部族體統相承屬國邊防扼制有術凡此北面之制創  
自太祖者史謂事簡職專官制朴實洵不虛也至世宗  
天祿之際內設南面三省六部臺院寺監諸衛東宮之  
屬外設節度觀察防禦團練之任始未嘗不欲備前代  
之制以潤色乎大業而位號張皇掌寄紛雜或暫置於一  
時或偏設於一地史家不得其詳往往一官而僅舉一

曾任其職者以實之揆其所由豈非北面官體制已備  
南面第襲其名職事簡而權勢輕故不得與北面比也  
夫一代之興創制顯庸必有足錄遼立國二百餘年與  
五代北宋相終始政刑不墜人民乂安豈偶然哉其官  
職既不與古同謹自為一編叙其要者著於篇

北面

北面朝官

臣等謹按遼制北面朝官有北南二樞密分掌文

武銓實與歷代之吏兵二部無異南北二大王視  
戶部多囉倫穆騰視禮部伊勒希巴視刑部宣徽  
視工部而以北南宰相府總之又置特哩袞以此  
宗正林牙以比翰林裕悅坐而論議以象公師史  
稱官生於職職沿於事而名加之固有名不相沿  
而職可相例者猶想見當日設官之遺意云

契丹北樞密院

掌兵機武銓羣牧之政凡契丹軍馬皆屬焉其官有北院樞密使知北院樞密

使事知樞密院事北院樞密副使知北院樞密副使事同知北院樞密使事簽書北樞密院事北院都承旨北

院副承旨北院林牙知北院貼黃給事北院知聖旨頭  
子事掌北院頭子北樞密院敕史北院郎君北樞密院  
通事北院掾史其所屬北樞密院中丞司有北南樞密  
院點檢中丞司事總知中丞司事北院左中丞北院右  
中丞同知中丞  
司事北院侍御

契丹南樞密院

掌文銓部族丁賦之政凡契丹人民皆屬焉其官有南院樞密使知南院樞密副使

使事知南院樞密事南院樞密副使知南院樞密副使  
事同知南院樞密使事簽書南樞密院事南院都承旨  
南院副承旨南院林牙知南院貼黃給事南院知聖旨  
頭子事掌南院頭子南樞密院敕史南院郎君南樞密  
院通事南院掾史其所屬南樞密院中丞司有北南樞  
密院點檢中丞司事總知中丞司事南院左中丞南院  
右中丞同知中丞  
司事南院侍御

臣等謹案遼制林牙掌文翰之事北南樞密二院林牙即五代及宋樞密直學士之職其故史即君亦即前代之掌故令史也考契丹國志其佐吏如綱郭德斯努袞推勒努袞圖卜努袞職掌皆與令史同又遼初有額真尼郭齊喀為約尼故官後併其職於樞密院云

臣等又案北樞密院南樞密院所屬官皆各隸南北獨點檢中丞司事則兩院並稱北南或是互相

司事之官但史志未詳其所職掌無可稽核謹附識以存其疑

北宰相府

掌佐理軍國之大政有北府左宰相北府右宰相總知軍國事知國事

南宰相府

掌佐理軍國之大政有南府左宰相南府右宰相總知軍國事知國事

臣等謹案遼史紀傳任總知軍國事者代之其人

豈有其官而不輕授歟考太祖於約尼時曾任斯職或亦如唐之尚書令太宗曾為之後遂不以授人邪若北宰相府皇族世預其選南宰相府國舅

世預其選相臣必簡用於宗戚又與歷代之制異

矣

北大王院

分掌部族軍民之政初名德呼勒部額勒錦太祖分南北院太宗會同元年改額勒錦為

北大王有北院院大王知北院院大王事北院院太師北院院太保

院院司徒北院院司空北院院郎君其所屬北院院都統軍司

掌北院院從軍之政令有北院院統軍使北院院副統軍使北院院統軍都監又北院院詳袞司掌北院院部族軍馬之政令

有北院院詳袞北院院都監北院院將軍北院院小將軍又北院院都部署司掌北院院部族軍民之事有北院院都部署北院院

副部署

南大王院分掌部族軍民之政有南院院大王知南院院大王事南院院太師南院院太保南院院司徒南院院司

空南院郎君其所屬南院都統軍司掌南院從軍之政  
令有南院統軍使南院副統軍使南院統軍都監又南  
院詳衮司掌南院部族軍馬之政令有南院詳衮南院  
都監南院將軍南院小將軍又南院都部署司掌南院  
部族軍民之事有南院  
都部署南院副部署

臣等謹案太師太保唐宋為三師之職司徒司空  
唐宋為三公之職皆不輕除授惟遵制北面官凡  
公師崇秩僅為各司有職掌之官矣如北面大王  
院文班司侍衛司護衛府橫帳詳衮司王子院約  
尼九帳大國舅司十二宮各部族五冶羣牧使司



東都省各屬國皆有之或置太師司徒或祇置太保或稱都太師各領所司之事或為屬官此與唐宋名同而實異者也

宣徽北院

會同元年置掌北院御前祇應之事有北院宣徽使知北院宣徽事北院宣徽副使同知

北院宣徽事

宣徽南院

會同元年置掌南院御前祇應之事有南院宣徽使知南院宣徽事南院宣徽副使同知

南院宣徽事

大裕悅府

有大裕悅無職掌班百僚之上非有大功德者不授為遼國之尊官猶南面之有三公云

大特哩衮司

太祖有國首設此官有特哩衮知特哩衮司事特哩衮司事

臣等謹案遼之特哩衮治宗族即唐之宗正卿唯不置屬官其制差異然史稱皇族帳官皆統於大特哩衮司即其屬也

伊勒希巴院

掌治刑獄有伊勒希巴左伊勒希巴右伊勒希巴知左伊勒希巴事知右伊勒希巴

事 欽史選  
底掌獄

大林牙院

掌文翰之事有北面都林牙北面林牙承旨北面林牙左林牙右林牙

多囉倫穆騰司

掌禮儀之事有多囉倫穆騰總知朝廷禮儀總禮儀事

文班司

有文班太保文班林牙文班牙署文班吏

北面御帳官

臣等謹案周官幕人掌帷幕幄帟綬之事注云四合象宮室曰幄王所居之帳也遼制蓋仿此顧古制出宮用之而遼初則未有城郭溝池宮室之固是以輓車為營硬寨為宮史稱御帳之官不得不謹以此耳其制出於貴戚為侍衛著帳為近侍北面部族為護衛武臣為宿衛親軍為禁衛百官番

宿為宿直奉宸以司供御三班以肅朝會硬寨以嚴晨夜法制極其嚴密而總名曰御帳官蓋與唐之十六衛宋之環衛官帶御器械之職制畧相似

侍衛司

掌御帳親衛之事有侍衛太師侍衛太保侍衛司徒侍衛司空侍衛

臣等謹案侍衛司所屬有近侍局近侍詳衮司蓋宦者之職此外有內省

設官有使副使內藏庫提點

有內侍省

設官有黃門令內謁者押班左廂押班右廂押班契丹漢兒渤海內侍都知左承宣使右承宣使

又著帳祇應諸司亦有以奄寺充者遼史宦官傳

趙安仁嘗為秦晉國王府祇應可推也

北護衛府南護衛府

分掌北院南院護衛之事其官各有護衛太師護衛太保護衛司徒

其所屬北有總領左右護衛司總領左右護衛司又左護衛司有左護衛理左右護衛司總理左右護衛又左護衛司有左護衛司大保左護衛右護衛司有右護衛太保右護衛又奉宸司掌供奉宸御之事有奉宸又三班院掌左右寄班之事有左班都知右班都知寄班都知三班院祇候又宿衛司專掌宿衛之事有總宿衛事總知宿衛事同掌宿衛事宿衛官又禁衛局有總禁衛事禁衛長又宿直司掌輪直官員宿直之事有宿直詳袞宿直都監宿直將軍宿直小將軍宿直官宿直護衛

硬寨司

掌禁圍槍寨下鋪傳鈴之事有硬寨太保

臣等謹案御帳官又有皇太子特哩衮司掌皇太子宮帳之事又皇太后宮亦有宿直官吏志皆載於御帳之後其實皆宮官也

北面著帳官

臣等謹案遼制內族外戚及世官之家犯罪者皆沒為著帳官其諸色人犯罪則為著帳戶司凡職事禁衛以及祇從諸役皆充之稱為著帳郎君娘子以示矜恤云

著帳郎君院有著帳郎君節度使著帳郎君司徒

祇候郎君班詳衮司有祇候郎君班詳衮祇候郎君直長祇候郎君扎薩克轄祇候郎君

祇候郎君伊喇

左祇候郎君班詳衮司右祇候郎君班詳衮司各有祇候郎君

班詳衮祇候郎君直長祇候郎君扎薩克轄祇候郎君祇候郎君伊喇其所屬有筆硯局有筆硯祇候郎君筆硯史又牌印局有牌印郎君裊褥局有裊褥郎君燈燭局有燈燭郎君牀幔局有牀幔郎君殿幄局有殿幄郎君車輿局有車輿郎君御蓋局有御蓋郎君本班局有本班郎君

著帳戶司有著帳節度使著帳殿中

金史卷一百三十二  
臣等謹案史志載著帳戶司其所屬有承應小底局有筆硯寢殿佛殿司藏習馬鷹坊湯藥尚飲盥漱尚膳尚衣裁造各小底皆給事賤役未足列於職官也

北面皇族帳官

臣等謹案遼之皇族有二院四帳肅祖及懿祖之後共五房謂之二院元祖之後曰孟父房仲父房季父房太祖曰橫帳共三房一帳謂之四帳二院



治之以北南二大王四帳治之以大內特哩袞而  
總以大特哩袞司統之又置錫里司以治軍政而  
諸王公主院府亦各設官其法制詳矣

大內特哩袞司

掌皇族四帳之政教有大內特哩袞  
知大內特哩袞事大內特哩袞都監

大橫帳詳袞司

掌太祖後九帳皇族之事有橫帳詳袞  
橫帳太師橫帳太保橫帳司空橫帳郎

君橫帳  
知事

孟父族帳詳袞司

掌蜀國王雅  
本房族之事

仲父族帳詳袞司

掌隋國王舒  
魯房族之事

欽定四庫全書

卷一百三十二

季父族帳詳衮司

掌德祖皇帝三房族之事

四帳都詳衮司

掌四帳軍馬之事有都詳衮都監將軍小將軍其所屬有橫帳詳衮司孟父帳

詳衮司仲父帳詳衮司季父帳詳衮司

錫里司

掌皇族之軍政有錫里詳衮錫里都監錫里將軍錫里小將軍錫里美稜

大東丹國中臺省

太祖天顯元年置有左大相右大相左次相右次相

臣等謹案天顯元年征渤海克輝罕城改其國曰

東丹而以皇子倍為人皇王主之仍賜天子冠服

故特置宰相以輔之至聖宗乾亨元年乃省焉

北面諸帳官

臣等謹案太祖受位於約尼尊九帳於御營之上  
存渤海之族帳亞於約尼併奚王之衆撫其帳部  
擬於國族任國舅以耦皇族崇伊錫以抗奚王列  
二院以制約尼立國之初制此控御之良法後遂  
相沿不變云

尼九帳大詳衮司

掌約尼溫汗準布汗和倫汗蘇爾汗沙津汗招固汗伊蘭汗巴爾汗

陶津汗九世宮分之事有大詳衮約尼太師約尼太  
約尼太尉約尼司徒約尼司空約尼侍中敬史知事

共所屬有約尼帳節度使司有節度使節度副使又約  
尼紉詳袞司有約尼紉詳袞約尼紉都監約尼紉將軍  
約尼紉小將軍  
有約尼尅

八國舅司

掌國舅伊蘇濟勒伯哩二帳之事有伊蘇濟  
勒國舅大翁帳詳袞小翁帳詳袞伯哩國舅

八父帳詳袞少父帳詳袞國舅太師國舅太保國舅太  
列國舅司徒國舅司空敬史又國舅伊蘇濟勒大翁帳  
詳袞司有國舅詳袞國舅都監國舅本族將軍小將軍  
八國舅伊蘇濟勒小翁帳詳袞司國舅伯哩大父帳詳  
袞司國舅伯哩少父帳詳袞司又國舅伊勒希巴司有  
國舅伊勒希巴國舅左伊勒希巴國舅右伊勒希巴敬  
史又有國  
舅帳尅

臣等謹按契丹國志國舅帳有國舅鈐轄

掌國舅司事遼史百官志失載謹附識於此

國舅別部

世宗置有國舅別部故史

渤海帳司

有渤海宰相渤海太保渤海達噶拉美其所屬有渤海近侍詳袞司

奚王府

有二詳袞二宰相又有圖爾太尉奚六部漢軍詳袞奚伊喇詳袞錫里哈都掄

伊錫王府

有伊錫府達呼爾節度使司

北面宮官

臣等謹案行宮各官為行在扈從之官十二宮各

官各掌一宮軍民之政如太祖弘義宮太宗永興

宮世宗積慶宮應天皇太后長寧宮穆宗延昌宮  
景宗彰愍宮承天皇太后崇德宮聖宗興聖宮興  
宗延慶宮道宗太和宮天祚永昌宮孝文皇太弟  
敦睦宮是也又有文忠王府其設官亦同於十二

宮云

按契丹國志祇載十宮蓋失載道宗天  
祚二宮也其彰愍宮作章敏與此互異

諸行宮都部署院

總契丹漢人諸行宮事有諸行宮都  
部署知行宮諸部署司事諸行宮副

部署諸行  
宮判官

契丹行宮都部署司

總行在行軍諸鄂爾多之政令有  
契丹行宮都部署知契丹行宮都

部署事契丹行宮副  
部署契丹行宮判官

行宮諸部署司

掌行在諸宮之政令有行宮都部  
署行宮副部署行宮部署判官

十二宮

各宮俱有使副使太師太保侍中又有某宮都  
部署司掌本宮契丹軍民之事有都部署副部

署判官又有某宮提轄司某宮馬羣司有侍中敝史又  
某錫林有額勒錦瑪爾布牙書又某幹里有瑪固某摩  
哩有扎薩克轄  
又有某德里

押行宮輜重伊勒希巴司

掌諸宮巡行扈從輜重之  
事有伊勒希巴有敝史

北面部族官

臣等謹案部落曰部氏族曰族契丹故俗分地而

居合族而處自太祖析九帳三房之族列二十部  
聖宗之世分置十有六增置十有八并舊為五十  
四而大小分焉大部族四曰五院部六院部伊錫  
部奚六部其官散見於諸帳官者不復載小部族  
五十設官皆同茲紀其實而不復列其部族之號云

大部族各部俱有大王左宰相右宰相太師太保太尉  
司徒又有某部節度使司有節度使節度副使  
節度判官又某部族詳衮司有詳衮都監將軍小將軍  
又某錫林有額勒錦瑪爾布牙書某密拉有錫里琨

小部族某部族司徒府有司徒司空又有某部族節度  
使司某部族詳衮司又某錫林有令公瑪爾布



牙書某密拉  
有錫里琨

北面坊場局冶牧廩等官

坊官

有某坊使副使又某坊詳  
袞司有某坊詳袞都監

臣等謹案諸坊惟鷹坊鐵坊可考又有五坊史未  
詳也又八坊止載軍器坊餘亦未詳

場官

有圍場都太師圍場  
都管圍場使副使

局官

有客省器物太醫醫獸四局  
都林牙又有某局使副使

冶官

五冶有  
太師

羣牧官

某路羣牧使司有某羣太保侍中敝史又總典羣牧使司有總典羣牧簿籍使羣牧都林牙又

某羣牧司有羣牧使副使又有西路羣牧使司達塔嶺西路羣牧使司渾河北馬羣司漠南馬羣司漠北滑水

馬羣司

牛羣司

臣等謹案唐宋羣牧之官皆隸於殿中監太僕寺

遼則無所隸屬有侍中太保諸職以董率之此遼

制之異於前代也

諸殿官

尚廐有尚廐使副使飛龍院有飛龍使副使又總領內外廐馬局有總領內外廐馬

監養鳥獸官

監鳥獸詳衮司有監某鳥獸詳衮司又監雉某鳥監某獸又有監鹿詳衮司又有監雉

北面軍官

天下兵馬大元帥府

以太子親王總軍政有天下兵馬大元帥副元帥

大元帥府

以大臣總軍馬之政有大元帥副元帥

都元帥府

以大將總軍馬之事有兵馬都元帥副元帥同知元帥府事

便宜從事府

有便宜從事

大詳袞司

有大詳袞都監將軍小將軍軍校隊師

臣等謹案遼制文武諸職所屬各有詳袞司蓋分

司之職也大詳袞司則專掌軍馬佐元帥府行事

異於各屬之詳衮焉

東都省西都省

分掌軍馬之政有東都省太師西都省太師

大將軍府

各統所治軍之政令有大將軍上將軍將軍小將軍

護軍司

有護軍司徒

衛軍司

有衛軍司徒

諸路兵馬統署司

有諸路軍馬都統署副統署

各軍詳衮司

有左皮室右皮室北皮室南皮室黃皮室各軍又有舒新軍錫里軍北王府錫里軍

南王府錫里軍各部族錫里司又有禁軍郎君軍伊喇軍旗鼓伊喇千伊喇猛伊喇摩哩軍斡手軍弩手軍鐵

林軍大鷹軍鷹軍鷂軍鳳軍龍軍飛龍軍虎軍熊軍左  
鐵鷁子軍右鐵鷁子軍龍衛軍威勝軍天雲軍特們軍  
迪里軍迪里皮室呼哩奚軍尼格奚軍渤海軍尼古爾  
各詳衮司又有奚王南剋軍奚王北剋軍國舅帳剋軍  
三剋軍彭布格軍九剋軍各詳衮司並有剋官又有十  
二行紮軍各宮分紮軍約尼紮軍各部族紮軍羣牧二  
紮軍各詳衮司俱有司徒  
又有怨軍八營都詳衮司

### 北面邊防官

上京路諸司

諸軍都虞候司有都虞候又有奚王府大  
特哩衮司大國舅司大詳衮司五院司六

院司  
溫司

臣等謹案奚王府以下諸司史未載其所屬者以

其名目皆見於帳官及部族官中惟沓溫司所屬

則史闕焉

遼陽路諸司

有東京兵馬都部署司契丹奚漢渤海四軍都指揮使司

漢軍都指揮使司契丹奚漢渤海四軍都指揮使司漢軍都指揮使司保州都統軍司湯河東京都統軍使司東京都詳察司保州都統軍司湯河詳察司雙寬司金吾營銅州北兵馬指揮使司涿州南兵馬指揮使司其官有某兵馬都部署某兵馬副部署某兵馬都監某都部署判官又有某軍都指揮使某軍副指揮使某軍都監又有都統軍使副使都監

長春路諸司

有黃龍府兵馬都部署司黃龍府鐵驪軍詳察司又咸州兵馬詳察司有知咸州路

兵馬事同知咸州路兵馬事咸州糾將又東北路都統軍使司有掌法官道宗大安六年置

南京諸司

並隸南京都元帥府有都元帥大元帥南京兵馬都總管府有兵馬都總管總領南面邊

事總領南面軍務事總領南面戍兵等官其所屬有南京馬步軍都指揮使司侍衛控鶴都指揮使司燕京禁

軍詳衮司南軍都統軍司有南京統軍都監又牛欄都統領司有都統領副都統又距馬河戍長司有戍長又

監軍寨統領司石門統領司南皮室軍詳衮司北皮室軍詳衮司猛伊喇詳衮司又管押平州甲馬司有管押

平州  
甲馬

臣等謹案南京諸司有南京兵馬都總管府南京

馬步軍都指揮使司侍衛控鶴都指揮使司史稱

其屬于南面而其所列于北面者不詳其故豈

遼設南京在得燕代諸州之後地多漢兒軍民故不得不兼南面以撫治之歟若遼陽路之金吾營西北路之金吾軍亦皆屬於南面其互相控制之義則不可考姑闕疑而附識之

西京諸司

西南面安撫使司有西南面安撫使西南面  
都招討司有西南面招討使又西南邊大詳

衮司

西南路詳衮司西南面五押招討司有五押招討

大將

軍西南路巡察司有西南路巡察將軍又有西南

面巡  
伊邊

官西南面巡檢司有西南面巡檢同巡檢又西南  
刺詳衮司山北路都部署司有知山北路邊境事

面  
伊

刺詳衮司山北路都部署司有知山北道邊境事

北又  
王金

肅軍都署司南王府  
伊錫王府山陰司

北王

府伊錫王府山陰司



西北路諸司

又西北路招討使司有知西路招討事監軍

總領西北路軍事又領西北路十二班軍使司邦丹軍

吐渾軍舒嚕軍禁軍奚王府錫里軍大室韋軍小室韋

軍北王府軍特們軍羣牧軍官分軍各詳衮司又西北

路金吾軍西北路兵馬都部署司西北路準布都部署

司西北路統軍司西北路成長司西北路禁軍都統司

西北部鎮撫司有鎮撫西北部事西北路巡檢司黑水

河提轄司

東北路諸司

有東北路兵馬詳衮司東北路監軍馬司

又東北路女直詳衮

司北女直兵馬司

東路諸司

東路兵馬都總管府有東路兵馬都總管同

知東路兵馬事又東路都統軍使司約囉等

金史卷一百三十二  
十軍都詳衮司九  
水諸夷安撫使

西南邊諸司

西南面節制司有節制西南  
諸軍事又西南面都統軍司

西路諸司

有山西兵馬都統軍司西路招討使司西邊  
大詳衮司四番都軍所夏州管內番落使達

塔嶺節度使司達塔嶺統軍司塔

斯節度使司塔瑪城節度使司

臣等謹案聖宗統和四年授李繼冲為四番都軍

所李繼遷為夏州管內番落使官不常設特以羈

縻西夏非邊防之職也而史列其官於西路諸司

者盖西路壤接梁州其慎固封圉之意則同爾

北面行軍官

行樞密院

有左右林牙參謀

行軍都統所

有行軍都統副都統都監監軍行軍諸部都監監戰又有中軍御營先鋒左翼軍右

翼軍各都統所又有河南道北道東北面西北面西南面各行軍都統所又有南面行營總管府南面行營都部署司行軍都部署司先鋒使司行軍都押司有都押副押

臣等謹案行軍官又有遠探軍之小校伊喇侯騎

之偵候候人伊喇皆兵校之事非有常職又史載

東征行樞密院東征都統所東征統軍司東征先

鋒使司西征統軍司南征都統所南征統軍司皆  
臨時所設之官故不復載也

北面屬國官

屬國

各國俱有大王裕悅左相右相特哩袞司徒太師  
太保司空節度使副使詳袞都監將軍小將軍

臣等謹案遼制屬國屬部官大者擬王封小者準  
部使用其本國之人而契丹人亦參用焉遼史百  
官志於屬國屬部皆臚載之蓋以見臣服之遠役  
屬之衆無關於官制故亦不具載云

南面

臣等謹案史志稱遼得燕代十六州乃用唐制設南面官然考太祖本紀於是已有左僕射禮部尚書則當建國分職之初固參用唐制矣特至太宗入汴世宗建政事省之後所設南面官乃日益多耳至其除授之法雖南北區分為二而又未嘗不互相遷轉若耶律碩老以同平章事為特哩袞耶律洪以上京留守為北院大王是由南面官而遷

北面者也休哥以裕悅為南京留守蒲奴寧以北  
院大王為山後五州都管吳留以伊錫帳郎君為  
御史大夫是由北面官而遷南面者也惜史志簡  
畧於官司之所職掌多闕而不載其遷轉階次蓋  
不可考云

南面朝官

太師太傅太保

不常置

少師少傅少保

不常置

太尉司徒司空

不常置

漢人樞密院

太祖初有漢兒司太宗置樞密院掌漢人兵馬之政有樞密使知樞密使事知樞密

院事樞密副使同知樞密院事知樞密院副使事樞密直學士都承旨副承旨吏房承旨兵刑房承旨戶房主

事廳房主事

臣等謹案樞密以掌兵政唐宋皆列於三省之後  
遼南面官則列於三省之前此遼制之異於唐宋  
也

中書省

初名政事省太祖置官世宗天祿四年建政事省興宗重熙十三年改中書省有中書令大丞

相左丞相右丞相知中書省事中書侍郎同中書門下平章事參知政事堂後官主事守當官令史其所屬中書舍人院有中書舍人右諫院有右諫議大夫右補闕右拾遺

門下省

有侍中常侍散騎常侍給事中門下侍郎所屬有起居舍人院有起居舍人知起居注起居郎

又左諫院有左諫議大夫左補闕左拾遺又通事舍人院有通事舍人符寶司有符寶郎東上閣門使司有東上閣門使東上閣門副使西上閣門使司有西上閣門使西上閣門副使東頭承奉班有東頭承奉官西頭承奉班有西頭承奉官通進司有左通進右通進登聞鼓院有登聞鼓使通院有知通院使誥院有誥院給事

尚書省

太祖嘗置左右尚書有尚書令左僕射右僕射左丞右丞左司郎中右司郎中左司員外郎右

司員外郎



臣等謹案三省之制於唐首尚書省於宋首門下省遼則首中書省叙次稍異而官制略同惟唐於開元二年宋於乾道八年嘗改左右僕射為左右丞相則固尚書省之紀綱庶務以貳於令者而遼乃列之中書省又置大丞相以位其上此特與唐宋殊矣然考趙延壽之為大丞相實兼政事令張儉之拜左丞相實受命以輔興宗其號雖殊其為揆席之任不殊也蓋自唐宋中葉三省長官秩高

罕置凡中書門下侍郎及左右僕射諸官並為相  
職其任相職者往往皆兼除之遼之冊命宰臣亦  
頗因仍此制故名為三省實則一政府爾

六部

各部有尚書侍郎郎中員外郎

臣等謹案遼設六部沿唐制也而官未嘗備史亦  
未詳太祖神冊三年以禮部尚書康默記充版築  
使為遼代設部臣之始厥後邢抱朴為禮部侍郎  
劉景為吏部郎中馬守琪祁正崔祐為庫部倉部

虞部員外郎劉涇為戶部侍郎加工部尚書南承  
顏為吏部員外郎王景運為禮部員外郎鄭弘節  
為兵部郎中楊又元為吏部尚書劉六符為膳部  
員外郎並見於紀傳惟除兵部長貳及刑部官者  
不少概見豈太祖太宗準六典以設北面朝官者  
固已職分而政舉故六部所掌不必備其人歟

御史臺

有御史大夫御史中丞侍御史所屬殿中司有殿  
中殿中丞尚舍局有奉御又有尚乘局奉御尚

輦局奉御尚食局  
奉御尚衣局奉御

臣等謹案尚乘尚衣諸奉御唐宋皆屬於殿中監  
遼制則以殿中司主之而統屬於御史臺此又異  
於前代之制也

翰林院

掌天子文翰之事有翰林都林牙南面林牙翰林學士承旨翰林學士翰林祭酒知制誥所屬

翰林畫院有畫待詔醫官國史院有監修國史史館學士史館修撰修國史

臣等謹案遼設南面翰林醫官其制蓋略與宋同  
考宋太醫令丞屬太常寺又於太常所屬之外置  
良醫醫正等階而胥以翰林之名冠之馬端臨又

稱五代時有翰林醫官使則醫官之廁於翰林不獨宋為然已翰林始建於唐特為待詔之所故一切醫卜雜流執藝事以奉上者皆得並處於其間逮後別建學士院於舊院之南於時翰林遂分而為二至宋沿其制號學士院為玉堂之署而醫官之所居者乃與天文書藝圖畫為四局矣且宋嘗以中官領之故志職官者第寄其銜於合班之制與十四階九品之中其於序職概不之及則與遼

制固稍殊焉

宣政殿觀書殿

有宣政殿學士  
觀書殿學士

昭文館崇文館

有昭文館直學士  
崇文館大學士

乾文閣

有乾文  
閣學士

宣徽院

會同元年置有宣徽使知宣徽院事宣  
徽副使同知宣徽使事同知宣徽院事

客省

會同元年置有都客省客省使左客省使右客省  
使客省副使所屬四方館有四方館使副使引進

司有引進使點簽司有同簽點簽使事禮  
信司有勾當禮信司禮賓使司有禮賓使

臣等謹案點簽禮賓二司古無其官蓋遼建國於

幽冀并營之間東撫高麗西臣夏國南于石晉而  
兄弟於趙宋其邦交之事多矣因時設官俾典賓  
客亦猶金之有報諭宋國使南宋之有金國申議  
使此親仁善鄰史志所以稱美也夫

各寺

有太常崇祿衛尉宗正太僕大理鴻臚司農諸寺  
寺各有卿少卿丞簿其太常寺有博士贊引太祝

奉禮郎協律郎所屬有太樂署鼓吹署署有令有  
丞有法物庫庫有使有副使大理寺有提點有正

諸監

有祕書太府少府將作都水諸監監各有太監少  
監丞主簿惟祕書監有祕書郎祕書郎正字所屬

著作局有著作郎佐郎校書郎正字其司天監有太史  
令有司歷靈臺郎挈壺正五官正丞主簿五官靈臺郎

保章正司歷監候挈壺正司辰刻漏博士典鐘典鼓國子監有祭酒司業監丞主簿所屬國子學有博士助教

臣等謹案遼之南面官多做唐制故所設太常寺

祕書監諸職略與唐同惟光祿寺以避太宗諱改

曰崇祿而稱司天臺為司天監名稍殊耳然唐志

以祕書監次翰林院之後其太常寺等官亦以所

掌不同析條分序遼志則自太常以下概稱寺官

祕書以下概稱諸監彙叙不倫使覽者無以別其

官守之同異且考穆宗紀應歷十七年司天臺奏



月當食不虧則遼固仍稱司天臺而志別稱監與紀互殊此皆秉史筆者未嘗參稽同異故失其倫次耳夫遼代事蹟宋人間有紀載然大半得自傳聞未足據以核其制度正史之謠遂莫可糾正矣

諸衛

各衛俱有大將軍上將軍將軍折衝都尉果毅都尉其各衛有親衛勳衛翊衛左右衛左右驍衛左

右武衛左右威衛左右領軍衛左右金吾衛左右監門衛左右千牛衛左右羽林軍左右龍虎軍左右神武軍

左右神策軍左右神威軍

東宮官

三師府有太子太師太子太傅太子太保太子少師太子少傅太子少保太子賓客院有太子

欽定四庫全書

卷一百三十二

賓客太子詹事院有太子詹事少詹事詹事丞主簿太子司直司有太子司直左春坊有左庶子中允司議郎左諭德左贊善大夫所屬文學館有崇文館學士直學士太子校書郎司經局有洗馬文學校書郎正字典設局有典設郎宮門局有宮門郎右春坊有右庶子中舍人舍人右諭德右贊善大夫通事舍人所屬太子家令寺有家令丞主簿率更寺有率更令丞主簿太子僕寺有太子僕丞主簿又有左右衛率府左右司禦率府左右清道率府監門率府左右內率府俱有率

南面宮官

漢兒行宮都部署院

有漢兒行宮都部署副部署知南面諸行宮副部署同知漢兒行宮

都部署事同簽都部署司事都部署判官

臣等謹案契丹國志遼南面官有行宮都總管司  
掌行宮事遼史百官志失載謹附識於此

十二宮南面行宮都部署司

有某宮漢人行宮都部署  
某宮南面副都部署某宮

同知漢人  
都部署

臣等謹案遼代宮衛之制所隸有正戶番漢轉戶  
之別而皆統於都部署南面所治則漢兒軍民也  
史稱聖宗開泰九年改南面行宮都部署為左僕  
射則都部署亦崇秩云然興宗重熙十五年除耶

律瑪魯耶律信先為是官其稱都部署如故意者  
改制未久旋復舊名歟

南面京官

臣等謹案宋職官志一品以下謂之文武官未常  
參者謂之京官而遼之南面京官則皆分理五京  
之職固非未常參之謂也自太祖開國臨潢建為  
皇都既併渤海得城邑之居百有三乃葺遼陽故  
城分建南京太宗援立石晉兼幽涿十六州之地

而跨有之遂升幽州為南京而改南京為東京皇  
都為上京於是三京之名鼎立矣逮聖宗統和二  
十四年城大定府號曰中京興宗重熙十三年以  
雲州為西京而五京乃備攷其所設京官若留守  
都總管等職五京略同而上京別置城隍使中京  
別置文思院諸使南京別置宣徽院諸使至若雲  
州管内宣諭招撫使則別置於西京遼陽大都督  
渤海奉承都知押班則別置於東京是五京設官

又不盡同此猶唐於東京之河陽獨設三城使以治租稅而西京太原固不必準其制也夫

三京宰相府

東京中京南京各有宰相有左相右相左平章政事右平章政事

臣等謹案唐制以尚書門下中書三省長官為相職而高祖武德時於陝東諸道分置尚書令僕射左右丞各一人以治營內軍民謂之行臺尚書省則猶古者以相臣分陝之意遼之設三京宰相府蓋其遺制也

諸京客省司

有使副使

五京諸司

五京諸使有上京鹽鐵使司東京戶部使司  
中京度支使司南京三司使司轉運使司西

京計司其官有某京某使知某京某使事某  
京某副使同知某京某使事某京某判官

五京留守司

上京東京中京南京西京各有留守司使其  
官有某京留守行某府尹事又有某京副

留守知某京留守事某少尹同知某京留守事同  
簽某京留守事某京留守判官某京留守推官

五京都總管府

有某京都總管知某  
府事同知某府事

五京都虞候司

有某京  
都虞候

五京警巡院司

有某京警  
巡使副使

五京處置使司

有某京處置使

五京學

有博士助教中京別有國子監與朝官同

上京城隍使司

有上京城隍使

東京渤海承奉官

有渤海承奉都知押班

遼陽大都督府

有遼陽大都督

東京安撫使司

有東京安撫使

東京軍巡院

有東京軍巡司

中京文思院

有中京文思使



中京路按問使司

有中京路按問使

中京巡邏使司

有中京巡邏使

中京大內都部署司

有中京大內都部署副部署

南京宣徽院

有南京宣徽使知南京宣徽院使事知南京宣徽院副使同知南京宣

徽院事

南京處置使司

有燕京管內處置使

南京侍衛親軍馬步軍都指揮使司

有南京侍衛親軍馬步軍都指揮使

南京馬步副指揮使

南京侍衛親軍馬軍都指揮使司

有南京馬軍都指揮使副指揮使

南京侍衛親軍步軍都指揮使司

有南京步軍都指揮使副指揮使

南京栗園司

有典南京栗園

雲州宣諭招撫使司

有雲州管內宣諭招撫使

臣等謹案以上五京院司各官多寡互異名目都

不相類要各隨時遞置因地制宜故員額無所強

同惟南京設官獨多者則以燕地南面所治之事

較繁耳

南面太蕃府官

黃龍府

有知黃龍府事同知黃龍府事判官黃龍府侍衛親軍馬步都指揮使侍衛親軍都指揮使副

指揮使馬軍都指揮使副指揮使步軍都指揮使副指揮使府學有博士助教

興中府

有知興中府事同知興中府事判官府學有博士助教

南面方州官

節度使司

五京各州府皆有節度使司有節度使節度副使同知節度使事行軍司馬軍事判官掌

書記衙官其屬有某馬步軍都指揮使司都指揮使副指揮使某馬軍指揮使司指揮使副指揮使某步軍指

揮使司指揮使副指揮使

觀察使司

中京高州武安州利州東京益州寧州歸州  
寧江州上京永州靜州皆有觀察使觀察副

使觀察判官其所屬

州學有博士助教

團練使司

有某州團練使團練副使團練  
判官其所屬州學有博士助教

防禦使司

有某州防禦使防禦副使防禦  
判官其所屬州學有博士助教

州刺史

有某州刺史同知州事錄  
事參軍州學有博士助教

縣令

有某縣令丞主簿尉  
縣學有博士助教

臣等謹案天祿五年詔縣主簿政事省差注蓋是

時以中書省為政事省特重親民之官雖丞簿銓

選亦歸其權於中書省云

南面分司官

分決諸道滯獄使

統和九年命邢抱朴等五員又命馬守瑛等三員分決諸道滯獄

按察諸道刑獄使

開泰五年遣劉涇等分路按察刑獄

採訪使

會同三年命伊庫呼為採訪使

臣等謹案分司官不常設有詔則選有材望者為

之史稱平理庶獄採撫民隱恤民之善政也

南面財賦官

諸錢帛司

長春路遼西路平州路俱有錢帛司有某州錢帛都檢點

轉運使司

有某轉運使轉運副使同知轉運使轉運判官

臣等謹案遼志稱西京多邊防官南京多財賦官

及詳其所建置則固不然遼置轉運使司凡七曰

燕京奉聖州蔚州應州朔州保州西山置都轉運

使司一曰山西路攷山西路之設地理志不載其

見紀傳多矣而皆不確言其所在惟耶律斜軫傳

云宋將楊繼業攻陷山西諸郡各以兵守以宋史

業傳証之時所攻克者雲應寰朔四州也蓋雲州  
於遼初為山西路至重熙十三年升州為京以豐  
奉聖蔚應朔東勝諸州屬焉乃不復謂之山西然  
則奉聖蔚應朔四州轉運固分理西京道財賦之  
官而山西路之都轉運又其綜理之官也史志徒  
見轉運無西京之名遂止謂南京多財賦官則考  
之未審矣

南面軍官

點檢司

有殿前都點檢司點檢侍衛親軍馬步司各有都點檢副點檢同知都點檢

諸指揮使司

有侍衛親軍馬步軍都指揮使司侍衛親軍馬軍侍衛親軍步軍侍衛控鶴兵馬侍

衛漢軍兵馬四軍兵馬歸聖軍兵馬各有都指揮使司指揮署歸聖軍左右廂兵馬第一至第七左右廂兵馬各有都指揮使司又宣力軍四捷軍天聖軍漢軍各有都指揮使司其官有某軍都指揮使副使都監

諸軍都團練使司

有某軍都團練使團練副使團練判官

臣等謹案唐肅宗乾元初置諸州團練使歲以八

月考其治績以安民為上考此固方州理民之官

監司之職任也自宋以安撫提刑諸使為監司於



是團練雖設而無職任遂多為武臣遙領之官如  
王榮為龍衛都指揮使遙領羅州團練使傅潛為  
捧日右廂都指揮使遙領富州團練使其名則方  
州官其實軍官也遼之有團練使司固仍唐之舊  
制而核其官守以置於諸州者謂之方州官置於  
諸軍者謂之軍官視舊制亦稍變焉然較宋之名  
實不相符者固殊矣

諸軍兵馬都總管府

有某兵馬都總管副總管同  
知某兵馬事某兵馬判官

南面邊防官

易州飛狐招安使司兵馬司招撫司史不詳其官

西南面招安使司有西南面招安使

巡檢使司有巡檢司

五州都總管府穆宗應歷初耶律速為義霸祥順聖五州都總管

山後五州都管司有山後五州都管

五州制置使司開泰九年置霸建宜泉錦五州制置使

三州處置使司太宗時韓德樞為平灤營三州處置使又有霸州處置使

臣等謹案遼之南面邊防如易州飛狐山後諸司  
壤地皆與宋接顧設官甚少較之北面邊防官多  
寡相懸此非備宋之獨疎也蓋遼初於北面邊防  
設南京兵馬都總管府至重熙四年改為南京都  
元帥府自都元帥而下有總領南面邊事之官有  
兼屬南面之都指揮使凡所以備宋者已為詳至  
厥後和議既成聘使往來相繼乃漸疎於防範此  
固遼末諸君習宴安而忘邊備而太祖太宗飭邊

之道其詒謀固未嘗不善耳

欽定續通志卷一百三十二